

gheuolen mach dattu biste een meester-
sche der ghenadē en der barmhertich^t
Maria Ick byn een moeder vul al-
re genadē en soetich^t **H**ir om alstu
myn name hoerste soe verblide van
gansen herten neyghe dy oetmoede-
lik en gruet my gheerne **w**āt ick
syn **m**aria die moeder **J**esu **B**enedie-
den soe mytt^t moed^e en ghiff hē ere en
weerdich^t **S**ette my en **J**esu als ee teke
op dyn herte en op din armē **D**u be-
dest lesest of arbeides **J**es^e en **m**aria
moten altijt luden in dynē hertē en
iⁿ dynen monde **D**ie discipel **A**lle volc-
ken tōghe en gheslechten moten dy lo-
ue **D**ie hemel sal segn o mā verblide
dy **D**ie eerde sal antwoorden verwrou-
we dy in ewich^t **D**ie hemelen moten
belien dinⁿ hellighen naem. ende
alle ynnighe herten moten hem ver-
bliden voer dy ende voer dat lam
Jesu ons heren **A**men.